

docriver 文川网
入驻商家
在文川网搜索古籍书籍 获取更多电子书

中國方志叢書·華中地方·第四三號

據

清·梁悅馨等修·季念詒等纂
清·光緒元年刊本

影印

江蘇省

通州直隸州志

(一)

成文出版社有限公司印行



10096480

中國方志叢書·華中地方·第四二號

據清·梁悅馨等修·季念詒等纂
清·光緒元年刊本
影印

江蘇省

通州直隸州志
(二)

成文出版社有限公司印行



10096479

中國方志叢書·華中地方·第四三號

據

清·梁悅馨等修·季念詒等纂
清·光緒元年刊本

影印

江蘇省

通州直隸州志

(三)

成文出版社有限公司印行



10096478

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年 月壹一版

通州直隸州志

全三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

光緒重刊
州志

重修通州志序

光緒紀元夏四月事奉檄攝宰滬
邑為五方薈集之地而崇川一江
遠隔郡人士之傷於滬者尤夥每
與晤言間稱其鄉梓志乘閱八年
始成既成矣以艱於費不果行時

通州直隸州志

松叙

閱之為有所動於中而不覺也今
夏調權是郡甫下車郡士大夫
即以州志刷印為請噫是天假之
緣耶抑亦人事之適相會合耶致
崇川星分斗野域界揚州值江海
之交滙為淮徐之門戶狼軍五山

屹然雄峙是地擅其勝也況夫碩
德宏儒代有傳人其仕於朝者經
文緯武焜耀閭里其潛於野者枕
經菲史著作等身以及高人逸士
節婦義夫載諸簡冊者皆足動
人景仰之思至如魚鹽之利木棉

通州直隸州志

松叙

之數甲於他郡市者願藏於市
農者願耕於野耽樸相安歸稱
易治更可羨者粵寇之憂東南
亦屢盡皆蹂躪而崇川一郡暨
泰如兩邑獨完善無恙又復徵防
練饒仗義疎財無干戈之擾無雜

散之驚而名邑之選函於是邦者比鄰相接復覩昇平何天之獨厚於是郡特於烽火瘡痍之中留此一綫之生機也今閱是書後建置則無殘缺不完之字也後田賦則無荒蕪不墾之田也故茲邦祚樂土而

通州直隸州志

松叙

三

是書亦遂為完書：成於前守獨山莫君實經始於合肥梁君樞其事者為季京卿君梅沈觀察笠湖分纂者顧廣文綺嵐顧孝廬晴谷皆是邦所矜式者鏤板甫就適承乏斯土為之開印成

書以廣傳播是真天佐之緣耶抑果人事之適相會合耶郡士大夫亟囑弁數序於其首事不敏曷敢與聞斯役重以賢士大夫之請聊記顛末以志欽羨之盛云光緒二年歲在丙子律中黃鐘之月知

通州直隸州志

松叙

四

通州事鐵嶺松亭序



重修通州志序

咸豐之末念詒奉先大夫養痾

崇川時南陔弗靖合相國李甫

毅伯以江址團務相屬州使君

合肥梁侯又延念詒主講紫琅艾

蘭甫撤抗顏為師蓋於茲邦煖

通州直隸州志

季叙

一

寄公之席者十四五寒暑矣歲戊

辰梁侯有志於經世之學閱架

閣兩度舊郡秉旂午特甚且

乘法事未及紀者百十有餘年

通設官局聘名士特更張之謂

念詒固史氏也俾與通人士泚筆其

間昔吾鄉錢梅溪嘗言志有

二難非邑人則見聞不親採訪

不確以邑人志邑事則又親戚

依倚好惡皆有所謂沒其所可

則不備飾其所未有則不實也

念詒久與通人處往來狎習宛

通州直隸州志

季叙

二

然王著矣幸吾姻故牽連作

連贍徇以屈吾楮墨者於所

英庶幾其夫乎顧梅溪之言又

曰凡重修郡國志秉筆論文

章鉅公循紳三老不可涉手以

其易生叢謗也若然則將因仍

如故乎抑廢者不舉墮者不
修以任其湮沒乎夫志微信行
異日非取悅於一時吾志吾事
而已又何所顧忌耶獨念開
館未久念詒仍還虞山八年之中
廟間歲一至焉諸君子虛衷

通州直隸州志

季叙

三

延訪每一稿成輒寄念詒商確
之善不與念詒之意相脗合者梁
侯去二年復來稿已垂成閱
之大稱善亟命付雕如是書
亦善不與梁侯之意合者未
幾梁侯秩滿去任獨山善微

莫侯甫下車州人以此書呈侯
侯閱之大稱善趣匠氏剋期歲
功知是書又善不與莫侯之意
合者念詒誠不久善似不足知典
要而二侯則皆通達活體者也
由是以推傳之來葉其必可諒

通州直隸州志

季叙

四

若表而再三首肯者已是書也成
竊願與知我者讀之光緒紀元
嘉平之吉暨陽季念詒序



通州直隸州志序

通州志失修垂百二十年同治
間梁君心曙莫君善徵相繼收
茲上延知名士纂輯校讎始戊
辰迄甲戌凡七年志成予道奉
命視學江蘇按通州莫君心序

通州直隸州志 林叙

謁予初江蘇議輯通志大吏飭
所屬修郡邑志為之權輿各郡
邑往往以費絀遷延而通州獨
先歲事吁其難矣予惟人心風
俗之厚薄始於一鄉一邑終乃極
之天下天下有事沃土教民之

所聚受禍常酷而人心風俗之

敦樸好義者常有以自全於
危亡患難之中嗚呼是豈偶然
也哉通州故澤國引源贛渠沃
壤畝數鍾其地南通閩粵北
接齊魯商賈輻輳魚鹽上利

通州直隸州志 林叙

木棉夜布之產甲諸郡而
俗顧厚以樸郡人士多積學
植名壽懿懿德業者與道
蹂躪南服自揚而蘇而常
先後陷於賊而通州獨晏然不
罹鋒鏑其所以所持以自全耶抑

違可恃而希無恙耶重瀛陽
絕數萬里挾其奇巧之技肆
其怪誕不經之說以煽惑我民
以徇我市利以窺伺我疆土何
日無之暴者之所以自全可恃
耶抑未可恃耶乘未敵之人

心風俗培養之厚厲之正學感
邪說者不得作君子愛生禮
小人實其土物奇技淫巧不
得至於前楮物產之興耗休養
生息以裕糧精度形勢之險
要訓練規畫以儆戒不虞雖

百年無恙可也今府修志疆
域增風氣一自軍政區水陸
為之水師尤詳乎言其六職
時務之宜而憂深息遠者吳
通州轄三邑如皋胡安定先生
講學故里也范文正公祠宇富

鄭公屯兵屢典岳武穆兩鎮
之泰興白崇堰鎮今猶有存
焉者乎觀其名慕之實使人
心感動油然而不能自己者善教
也故吏類以儆曠程會為功而
二君舉事領墨之外彰往

詔來可不謂賢哉予既重莫
君之法而茲役職分纂為顧
孝廉昆仲孝廉於余為通
家素淵雅是書類事膽具
體例不戾於古無待予言言
其大者并於冊是固使者采

通州直隸州志 林叙 五

夙河俗區、期望之微意也

賜進士出身

日講起居注官

弘德殿行走 江蘇督學使者

長樂林天齡序



重修通州志序

事有至繁且難而不容已者又有
衆人所親為無足重輕而不容玩
忽置之者一郡一邑之間簿書錢
穀人皆知為急務矣至於維持風
化培養人材撫卹民生籌興地利

通州直隸州志

梁叙

一

有識者知其較簿書錢穀而更重
矣顧此數事者必就其已然之迹
而明證之因其自然之勢而順導
之欲有以昭法戒備興觀究利弊
竊以為當先於志書求之志書者
政教之轍迹所存也乃郡邑志書

往因循失修或遲至數十百年
之久往迹就湮采輯愈難不知者
忽焉知之者畏焉文獻無徵遂使
古之時可為借鑑之事後之人皆
茫然焉豈不惜哉通州志書之脩
自乾隆癸酉迄今百二十餘年矣

通州直隸州志

梁叙

二

其間事蹟傳聞異詞湮沒不彰者
殆未可勝數乙丑歲悅馨承乏是
邦意欲重纂丁卯春謁侯相曾文
正公言其事且言擬請季京卿君
楫沈觀察笠湖兩君總其成公以
為然季沈兩先生之學識皆公所

素重也適大憲亦通飭郡縣修志
商之紳耆咸踴躍樂從爰請兩總
纂并延顧廣文綺嵐顧孝廉晴谷
諸君分纂分校悅馨時過館中與
諸君商訂大畧戊辰秋悅馨以奠
親乞假辛未冬始回任癸酉春以

稿本付手民禁已過半而悅馨又
以俸滿奉部調取北上署任莫君
善徵亦重斯舉遂督成之同事諸
君以百餘年來記載缺如網羅散
失采訪匪易又舊志須訂正者甚
多不肯草率成書取舊志所錄刪

其繁正其訛補其缺又益以百二
十餘年之事蹟文增於舊者僅五
之一而事幾倍之事核文直網舉
目張其於風化人材民生地利所
闕莫不詳慎言之覽之者可以覩
指知歸矣光緒乙亥冬前知通州

事合肥梁悅馨序



新修通州志序

余於甲戌仲冬調攝通州甫視篆前守合肥梁君以志書屬余曰此余未遂之宿志也今七年於茲矣以遷延之故度支耗罄非議叢生吾子善圖厥終可

通州直隸州志

藝毅

乎余曰語云糜費萬貫止飾一車誠不知其然也然斯後也非守土者之任而誰任之新唐書修十七年而稱完善元史修一年而多廢率遲上者非咎也何幸從百餘年後網

羅散佚至今日而垂成坐令

井廢九仞山虧一篑於心安手乃敢趣手民益以醵金凡十有三月而工竣斯書也證之前志缺者補之為世正之俚俗者文之繁縟者節之凡夫忠臣孝

通州直隸州志

藝毅

子義夫貞婦如見如聞可歌可泣及一切沿革興廢盛衰得失之由較往昔加詳焉余尤有感者清平孫淮海先生為吾點理學名臣其先本如皋一燕莊人以故郡邑志皆有傳先

生振興黜學功最鉅數百年
 未黜之學者善不俎豆于余蒞
 形土而鄉先賢之前代里居
 坊表近在咫尺因就之焉更切
 矜式之思矣書既成邦人士
 咸拊手而言曰明黃溥修江陰
 志將成而溥去塵封卷帙世幾
 二十年符上黨王泮至而後鏗
 其板以行今前主梁侯澄與
 謀始後主君侯誰與圍終余聞
 之祇益惶愧余之歲斯役也不
 過偕在事諸君子畢梁侯未

亮之志耳若云有功於吾豈
 敢光緒元年歲在乙亥季冬
 之月獨山莫祥芝序



docsriver 文川网
入驻商家 古籍书城

在文川网搜索古籍书城 获取更多电子书

叙

不佞雖少居窮鄉壯歲宦游四方游二十年始歸而與邦人士職干掇之後息影城北招提既輒借二三英譜授塵清談也茲夢中語飛危齋即環說耳矣

通州直隸州志

沈毅

常於立言之不朽哉歲乙亥冬築新邦法成不佞始而思繼竊自幸益自負重自惡也先書也費凡起倒於戊辰之春邦大夫合肥梁使君不以不佞為不文謬舉茲事相

房越今以年作報者屬矣

固今日而日報命於賢使君也夫架閣古書乾隆時設奉也今甲子再周矣道光中葉李先生琪碩先生鴻汪先生業揚先生廷撰重修輯之

通州直隸州志

沈毅

將字可歸乾者報志以上其時巨人長德煥耀邦國後先相望如萬一呼歲應瑞法廣隆皆舉而茲事闕如夫豈力召不逮耶抑農過府怨之地方存之不暇而顧涉報胃

將以取咎即且通之志凡十
修矣書成之日能為其人素
余其尤甚者丁平谷欽登范
公子國祿之書譯而攻之或
至自削其名而去丁范皆曠
代史才而不滿衆口於是况

通州直隸州志

沈叙

三

至下者乎即乾隆時謗言盈
廷且多浮江而游以不無新
後為卒者甚矣其難也不何
何人甘冒不韙而惜其重之
者即重以賢使君之託不忽
使百有二十年之事焉接

莽中亦不忍使百有二十年
以所之事治訪裝涉不一是
正之風夜祇想趨肩大任編
纂未久而梁君去館中糗
糲筆札之需又亦時給如陳
矣梁君再來教道而拊勉之

通州直隸州志

沈叙

四

自工開鑿手民數十人日索
篋中藁以付之鈔音或少尚
則綴者舍業以務種門叩戶
甘如是者二年始成矣梁君
又去今獨山等使君教務願
趾其繼至教道較前加嚴焉

甫期年而是書成不佞所以
始而懼憚而竊自幸也百二十
年他人所不敢為不肯為及
為之而不終厥事者常吾世
而遂用弓成不佞所以又自負
也願自通籍後浮沈即累僕

僕河干迨臺筆送戎又以山
野疏曠之性不耐羈紲翻於
遠山視花髮蒼於楮墨之事
無能為後比年劇門養病年
從諸君子後拾遺補闕蔚為
完卷山前志王就門可謂因

人成事者也既自負又自惡也
光緒紀元律中大旨之月
郡人沈鎰序



通州直隸州志

纂修姓氏

主修

補用府通州直隸州知州梁悅馨

升用直隸州江甯縣知縣署通州直隸州知州莫祥芝

總纂

四品卿銜翰林院編修季念詒

鹽運使銜即選道前山東兗州府運河同知沈鏗

總校

同知銜前奉天復州知州王廷楨

前直隸文安縣知縣王榮清

通州直隸州志 纂修姓氏

員外郎銜候選主事王著

道銜候選鹽運使司運同徐瀚

分纂

四品誥職同知銜前署溧水縣訓導孫廷珪

同知銜知州用候選通判施猷

五品銜候選內閣中書陳煊

內閣中書銜候選訓導保召棠

舉人黃文田

同知銜安徽當塗縣知縣張攀桂

五品銜升用內閣中書前高淳縣教諭顧曾煥

舉人顧曾煥

分校

運同銜前署邳州學正徐宗祥

內閣中書銜候選訓導姚恩會

五品銜試用訓導孫錫恩

舉人陸筠

四品銜議叙內閣中書試用訓導陸惟馨

五品銜候選訓導錢希葛

光祿寺署正銜廩生錢鼎黎

光祿寺署正銜廩生黃文煥

太常寺典簿銜候選訓導邵廷椿

通州直隸州志 纂修姓氏

採訪

附貢生單奎

附貢生白煥章

六品銜前安徽天長縣教諭王文炳

運同銜候選通判陳徵受

運同銜候選同知蔣來恩

候選同知沈鏞

候選訓導沈佩文

候選布政司經歷徐兆鴻

歲貢生葉端本

廩生蔡熙人

候選道前安徽太平府知府吳開陽

浙江候選知府嚴景雲

候選知縣張如傑

試用訓導馬錦繁

浙江候補府經歷朱柏

生員馮惟馨

候選知縣錢青

試用訓導丁元偉

候選縣丞夏辛庚

州同銜候選巡檢沈沐曾

候選從九李煥文

通州直隸州志 纂修姓氏 三

五品銜通州學正全紹鉉

同知銜通州訓導高謝

五品銜通州學正李毓芬

五品銜通州訓導王亮工

收掌

提舉銜運判用浙江試用鹽運使司經歷劉際春

繪圖

守備銜狼山中營候補千總沈步高

通州直隸州志

志原

宋通州志十卷孫昭先修

明成祖永樂十六年通州志一卷知州嚴敷大修

代宗景泰五年通州志一卷知州孫徽修

孝宗宏治四年通州志二卷儒學訓導施紀修

世宗嘉靖九年通州志六卷知州鍾汪修莆田林穎郡

人顧磐同纂

三十三年通州志四卷兩淮巡鹽御史黃國用揚州府

知府吳桂芳修郡人丁鈇纂

鈇敘鈇之回於平谷也承侍御黃公之命重修州志深

通州直隸州志

志原

愧不才無以副其明命夙夜祇懼惟恐考究弗精褒貶

難當以貽士君子之喟困橫於思慮至矣而未嘗敢屬

筆也然受命明公以興墜典甯遂已乎於是父子竭力

勉成斯志借書以資考索訪老以覓見聞每成一傳博

問廣詢必公必實而後載之有此是彼非者數改定焉

務合輿論未嘗敢肆已見而妄書也事當新載者如無

田養馬無田屯種及海門縣治遷而近通通之里甲擬

而附彼則徭可均而政可平也折賣官鹽於產鹽之地

議申一得之愚修建甯阜於江海之濱論備一時之變

宦蹟之美刺爲民非爲官也人才之揚厲光前而啟後

也風俗合於人物虛譽云乎哉文翰關於政教虛辭云

乎哉邇來又經倭寇之變巨里蕭條人民塗炭無復昔

時之光景寬恤之恩扶翊之德有人心者宜少加之意

矣斯志不可以無修而此亦不容無述也或曰君子居

是邦不非其大夫子之敘職官也得無是過與夫所謂

大夫者在位用事之臣也有所指斥者誰其敢如孔子

之於陽貨踵門而拜之巽辭以對之不宜拒也至修春

秋則書之曰盜各有攸當耳近日端溪王公志開州非

唯直敘宦蹟雖鄉人亦加刺焉則又名公巨卿之直筆

也鈇安能學之或曰善者褒之彼固悅矣墨者聞子之

刺恐後人之將及己也得無介意乎孔子曰不如鄉人

之善者好之其不善者惡之吾惡能使斯人之無惡乎

通州直隸州志

志原

得賢者無惡焉幸矣苟墨者知惡刺也則不爲墨矣而

民亦有賴矣斯志成通人將改觀焉知我罪我當自有

至公之道矣志於經世者尙有感於斯文

三十八年通州志八卷知州喻南岳李汝杜修郡人錢

峰江一山凌桴姚遜王勛同纂

汝杜敘郡志甫成輯志生江一山輩以敘言謁余余惟

鄉達大司徒石清馬公聲之於前大方伯樞圖陳公振

之於後始終之理備矣余復何言而諸生猶請之不置

思惟是志雖前守淇江喻公開館聘上經始作謀無何

會有內召爲駕部郎遂弗克就丁巳秋余適承乏備員

茲士維一方文獻是圖以觀風考治而驗氣運者咸備

焉挽回而釐正之或者師益在茲矣遂力主成之己未夏始獲成彙見其事核而詞直嘉善而容過持是觀風而消瀉見矣考治而得失昭矣以驗氣運而盛衰之由可稽矣誠足以信今而傳後者也第志中所紀昔人謂仕宦樂土地僻事簡民純俗美最爲易治而今有大不然者豈可盡委之於氣數哉抑亦人事有未至耳承平既久武備廢弛甲寅倭寇猝至遠邇望風奔潰屠戮焚劫之慘有不忍言者數年以來加以水旱相仍賦役重併師旅蠲與供億浩繁民未有息肩期其困憊至此極矣而有司志在簿程所以撫綏而保養之者恐未必其盡道也民之崇狙詐而好健訟日相趨於偷薄有由然

通州直隸州志

志原

三

矣矧重兵聚於斯而糧餉時或告乏不測之虞近在肘腋安內攘外之術經國者意必有遠猷也於戲豈惟守土之憂哉此意雖已載之卷中余猶慮其未至也故於終焉申之相期以其濟則斯志之輯不爲無補云郡人馬坤敘郡邑之有志向矣所以周地域之廣輪攷古今之沿革稽物產之登耗察政教之良窳驗人才風俗之盛衰疏其事備其制彰法而嚴於文雖廣狹繁簡不能盡同而所以爲國之故者一也是故君子務焉吾通之志業修於嘉靖庚寅閱二十餘禩矣舛譌闕略弗核弗公將無以詒來而垂諸遠也侍御黃公國用奉命督薩於兩淮雅崇文教倡議修輯維時吾揚郡侯吳公

桂芳力贊成之遂申命行屬慎簡博洽之士司其事適得江生一山凌生梓張生梓姚生遜王生勛俾之開局立程博采羣編旁搜賸記凡區域建置之制食貨禮俗之宜秩官人物雜志之跡罔不條分類聚而以藝文終焉譌者正之闕者益之新者續之更一寒暑而志成踰歲諸士以試事走白下間持其稿就質於予因懇請屬筆敘之顛部事填委久未應命適今考績北上舟中乘暇展卷而諦觀之見其事核而不浮於文其論公而不近於諛信一郡之良乘也予何能贊一辭然坤通產也維二公實肆大惠於通俾小子亦得竊名於末誼曷能無言耶在昔仲尼嘗欲說夏殷之禮而每歎文獻之無

通州直隸州志

志原

四

足徵孟軻氏陳王政干時君而深憾於諸侯之去其籍聖賢之用世亦奚必屑屑於其故哉蓋自聖王之開天創物以逮君子之輔世長民莫不竭其精神志慮以爲宜民之具其待來世也甚詳使繼之者求其心因其法隨時而變通之固足以適於治語曰前事之不忘後事之師也通雖濱海隅寔隸畿輔今明興垂二百年山海萃靈人文毓秀益炳耀於前烈其中有民人有社稷官師之守政教之施禮樂才賢之敘江海險夷之防不啻備矣自茲修之彰美而宜隱昭往而詔來庸詎知生於斯者宦於斯者采風問俗之蒞於斯者不有所觀感而興起乎蓋籍存則可稽文獻足則可信信則遺矩明鑒

可以垂訓而示之遠。公之用心以待來者通之。何其幸歟。志凡十卷而揚邑海門弗附焉。夫既別志之矣。是舉也。先事經費。則州守喻君南岳。訖事程督繼之者。李君汝杜。皆政教兼舉者。法得并書。

神宗萬曆五年。通州志八卷。知州林雲程修。鄆縣沈明臣。郡人顧養謙。陳大科。朱當。世宗。宋。亮。化。廬。純。學。同。纂。

刑部尚書王世貞。敘古益部有通州。而幽揚部無通州。自揚部之通州。出與幽部之通南北對峙。而兩而益部之通廢揚部之通。其始僅一鹽官地。稍稍進爲州。復降爲邑。至元而始定屬揚部。以逮我明二百年來。魚鹽之利。衣食江南北。而其設險置兵。控扼吳楚。屹然一重鎮。

通州直隸州志

志原

矣。地靈啟而人傑輩出。冠帶履舄之盛。蓋殷殷焉。通故領邑二。曰海門。曰崇明。崇明越在海中央。以故通失之。而改隸吾蘇之太倉。獨海門隸通。如故。自宋孫昭先之爲通志。十卷。明通守嚴敦大孫徽等。後先凡六修其卷。自一以至六。其書或存或不存。而海門之爲志。則前尹璽而後。崔桐亦不能與通志合。萬曆之三年。閩中林君雲程。自南刑曹郎出守通。凡三載。政修人和。乃以其間。攷古圖籍。作而歎曰。志其可以已也。夫謂顧君養謙。陳君大科。其州人可取證也。得無有所避乎。謂沈子明臣。史材也。而遠無避也。於是聘沈而屬之。以顧陳輔焉。僅及歲而志成。爲卷八卷之爲圖者一表者二志者二十

通州直隸州志

志原

六傳者十二遺事者一。謂世貞。曙於文。以書介沈。而敘焉。覽之。燦如也。乃又秩如也。已竊謂今志。猶古史也。古者千乘之國。與附庸之邦。皆有史官。以掌記時事。第不過君卿大夫言動之一端。而所謂山川土田。民物風俗。兵防之類。意別有圖籍。以主之。志則無所不備。錄矣。是故古史之失在略。而今志之得在詳。然史之大綱。在不虛。燬不隱。惡以故。世子之隆。崇卿相之威。靈而執簡者。侃然而擬。其後今州邑之薦紳。將舉筆而其人非邦君。卽先慈。蓋有所不得不避矣。是故古史之得在直。而今志之失在諛也。沈子之爲通志。毋論其哲體。裁學。綱目。博采。精辨。文辭。瑰麗而已。乃至官邪。風厲。凜乎霜鉞。

之加有餘。畏焉。夫何下太史公傳。酷吏佞倖。哉。是志也。豈惟在通。以俟他郡國有餘。裁也。以俟一代有餘。采也。故因林君之請。而爲之敘。

國朝康熙十一年。通州志二十四卷。知州王宜亨修。郡人范國祿纂。

十三年。通州志十五卷。宜亨。重修。郡人王儼。通。王兆陞。

孫魁宗。李遵。同纂。

宜亨。敘夫朝廷之所以經畫天下。使天下之形勢風俗。無不洞。囑。如指掌者。以見統一之無外也。歲在壬子。

上諭纂修通志。江南十百郡邑所在奉。

命。不敢後。余適承乏崇川。究圖詳慎。已略。欵具報矣。但在通志。

則擊其綱而在一郡必晰其制此守土者之所有事也於是進鄉先生以暨士民之庶共計焉崇川建邑海陬滄桑變異海門縣治竟洋洋爲波臣而東矣今始歸併通州考州志自前代丁丑以來百有餘年其間吏治之得失賦役之重輕風尚之清濁人物之臧否以至災祥之有無文章之聚散不一其規卽如外廐之驛馬牧廠不干里遞運河之衝決復濬以通商農此其大概也至於興利除害因革迭舉不可枚數守土者有不夙夜惟謹以期克殫厥職者乎事出一時志垂千秋體各憲恤民之誠卽以答

朝廷委用之意

通州直隸州志

志原

七

文明御極率土皆臣彙輯成書恭備

睿鑒庶幾稽古閱今端委悉照可以知五環之形勢如何變遷

五環之風俗如何更易不敢以一邑之缺略少致罔上之愆所謂洞囑如指掌而大統一之模者政不出此也余秦人也樸魯不文聊陳質言以冠之幸不以文辭見哂於人余正不樂以文辭自見也

徵通敘吾通一澤國也由揚郡而東地勢漸下多斥鹵西南阻江東北背海大利大害存焉州之人莫不欲惟利務興惟害務除而卒阻於時隔於勢有心者惻然憂之今州大夫王侯宜亭奉

命修志慎簡至再以一函及子意以馬齒加長爲今日之文獻

乎子以不文辭或者曰子爲志所謂大利大害者不能見諸行事庶幾見諸言以冀當事之採擇可耳夫何辭之有子曰唯唯否否子聞之州乘史之流也史爲一代之志志卽一郡之史昔史遷南游江淮上會稽探禹穴浮闕九疑湘沅北涉汶泗講業齊魯鄉射鄒嶧因鄒薛彭城過梁楚以歸然後作史乃不敢自有其事曰子所謂述故事整齊其世傳非所謂作也夫以太史公上承先人天官論著之業博通乎書易春秋禮樂風詩之旨轍跡遍天下而猶不敢自居作者子敢言志乎哉雖然通之志不始於今日也自前明及今凡幾修雖丁鈇甲寅以前渺不可得而已未丁丑兩志具在子不過因而

通州直隸州志

志原

八

修之爾然修亦未易言也通之大利大害江海爲甚子志江之利吾通而害未始不由於江吾志海之害吾通而利未始不出於海或數十年而一變或數百年而一變地促民貧非復曩日事之宜於古者不宜於今制之輕於前者或重於後是非好惡一郡之實錄係焉一王之令甲昭焉子修之子烏乎修之修之爲言採也仍其得必救其失修之爲言補也百年以前之事志爲政百年以內之事子爲政志其利採於衆無偏私也志其害謀於野非臆說也參酌乎古與今之間而權衡於輕與重之際子惟藉州大夫之庸與二三同人之力甯簡母煩甯刻毋濫以告厥成所謂因人成事者也豈惟子

不佞卽二三同人亦因人成事者也子辱王侯之命而修之再辱王侯之命而序之職此故爾若以爲今日之文獻則子豈敢

兆陞敘古者擇人道王志事以告邦國小史則掌邦國之志以獻於王而士訓詁地事辨地物詔地求誦訓則道方志道方歷王巡守則夾王車而又歲遣小行人以周行天下輯成五物之書凡萬民利害禮俗政教刑禁之逆順作慝犯科凶荒厄貧康樂和親安平之故皆報於王是以至尊高居黃屋而周知四海九州之外唐宣宗命韋澳撰次州縣境上風物勒成一書號曰處分語頗倣此意然以此示聰察於臣下於體未宏有明永樂

通州直隸州志

志原

九

十六年詔纂天下郡縣志景泰六年又詔修寰宇通志載之史書蔚爲盛事

上御極之十一年命各郡國編成通志以大一統垂萬世檄下

崇川郡侯王公敦請先達彥士同修邑志而命不佞兆陞亦得執簡其間自顧學疎材短重以吧上餘息何敢染翰以從乃固辭不得勉從諸子後分曹課業刻期而志成旣而喟然曰吾通之志至此凡八修矣前志之修始於永樂之戊戌終於萬曆之丁丑至於今年更百載事閱兩朝法制則世重而世輕文獻則若滅而若沒夫子有曰立定哀以指隱桓如聽遠音焉則今日而揚扆當年耳目既有未周搜討又苦未備物勝權殆事繁照

窮能建置模倣三秦川原斟酌九域乎能者舊本諸襄陽士女準諸梁益乎能親數石鷓於晉宋目察眉足於堯夔乎能直筆無慚南史月旦不愧汝南乎無卮辭無翺藻其功也禾稗兼收繁蕪未翦其過也若辭過而居功其何敢雖然恭敬不忘桑梓報國思惟文章志區域而紀山水之清華表巖疆之翼翼登眺者其有聞鐘聞磬之思歎志建置而生長嬉遊某署某校某里某邱穆然思我先疇舊德也而乃經制有志蔚綱紀也賦役有志陳疾苦也表秩官其蘇我困甦表選舉其蒸茲德造輒或稱通爲淮南道院或稱通爲仕宦樂土今稍凌替衰薄矣志風物者其有憂患耶庇吾民者民歌之峴

通州直隸州志

志原

十

山有石甘棠有樹也仇吾民者防口實難畏彼衆而我寡其志宦蹟之旨耶次人物國之紀也次列女女有士行邑之光也次藝文海山之萃靈而布秀也國之華也采善音弋一得不可以不備故以雜紀終焉爲卷凡十有五爲綱凡十有二爲目凡七十有九提衡有發端總述有論斷若云事該體範文約旨遠未知果有當於先民而獨念悠悠我里亦孔之瘁於焉稽閭閻之登耗察徭役之繁簡述政教之得失考土俗之貞淫一篇之中三致意焉則綴集之苦衷可共信也他日獻之

當之謂通雖編壤實係東南形勝之區

天子惻然動容嘉意於輕徭省歛錄孝旌廉則是志也猶然小

行人輟軒采輯之遺與後之人載筆而趾其繼必將有
補偏刺謬美善詳明者然即此而考鏡源流匪云具體
亦兢兢千秋得失之林也

乾隆十九年通州直隸州志二十二卷知州王繼祖修
高郵夏之蓉郡人王原陳瑞海門丁有煜泰興戚詒仕
如阜范景頤言春榮同纂

繼祖敘通郡之志自康熙甲寅重修後迄今八十餘年
其間政事沿革民風轉移物力登耗缺佚者未可殫述
倘不及時綴拾詮次成書則更歷年所傳聞異辭其殘
闕舛謬將有不可知者況自

國朝雍正二年以州郡爲直隸統轄泰如二邑則義例攸

通州直隸州志 志原

七

關尤宜詳備此舊志之所宜亟修也庚午歲予奉

簡命來蒞茲土卽有志於編纂之役每簿書稍暇接郡之紳士
耆民凡有關於掌故者罔弗留心諮訪哀集所聞深懼
郡志之久湮文獻之將替也爰于癸酉夏上其事於督
撫暨藩臬諸大憲皆得請迺檄行各屬於舊志刊本外
旁搜廣采繕本呈送甲戌四月開館於紫琅書院延高
郵夏太史禮谷總其事本郡暨泰如諸生襄其成司訓
呂君霽齋協修之自夏徂冬九閱月而竣計爲門十有
八爲卷二十有二凡疆域沿革錢穀兵農師儒禮樂風
俗物產以及節義之昭彰人文之彬蔚悉據舊志所載
闕者補之謬者正之略者詳之繁者節之其昔無而今

有者則詳審而增益之舉八十年來未備之事皆得經
其大綱貫其條目循端竟委睹旨知歸蓋亦稽索靡遺
矣昔人云修史之難無出於志亦謂其事核其文直足
以存法戒備典觀是爲難耳予自開局後數過館中與
同纂諸子商推去取釐正缺悞不以私廢公不以疑飾
信務使據實筆削言不過則雖未敢謂事核文直上追
古史之遺而微顯闡幽矢公矢慎或不至如劉舍人所
譏速遠則矯誣紀近則回邪善也後之蒞是邦者披圖
覽籍按名實而攷異同將政教於此出焉風化于此成
焉綏靖一方以佐

聖天子文明之治則斯志之作亦未始無小補云

通州直隸州志 志原

七

之善敘志者識也識大識小述往事所以詔方來也爾
謹毋濫竽質毋華二者居志之大端矣三韓王公敬亭
奉

天子簡任司牧崇川革弊興利百廢具舉聽政之餘留意蒐輯
念舊志久缺欲重加編次成一郡完書予以泮沐里居
荷蒙抗簡義不獲辭乃偕郡邑諸君子徵文攷獻蒼萃
而修明之事以類從自由綱舉視舊志則仍而不改者
半焉正其謬芟其蕪增而續之者亦半焉夫疆寓所肇
隸在職方夷險近遠所由作之限也故首列輿圖而疆
域次之名山大川用表形勝周防之固蓋卽此而在矣
故志山川建侯樹屏必嚮明以出治然興作之役君子

謹之重勞民也故志建置三壤底定公旬赴役奉上之
義所由昭與政志民賦學校之興廢開人才之盛衰論
秀書升則克庸於王國故志學校朝賀之儀講約讀法
之事

天威咫尺儼若承之故志禮儀先成民而後致力於神非其
義也不在祀典故志祠祀阜民之產去其邪惡惟有司
是任蒞茲土者例得備書故志秩官美斯愛愛斯傳從
民之公云爾故志宦蹟惟事事乃其有備有備無患除
戎訓旅職禁嚴哉故志軍政茂才孝廉科目明經代異
其制要以得人材襄政治故志選舉川嶽之氣鬱爲國
華立德立功各自有其不朽者故志人物冰霜節操久

通州直隸州志

志原

三

而愈堅形管揚之足以勵俗故志列女沐膏澤詠勤苦
誠使俗不習淫貨無棄地則安甯之術也故志風土惟
通襟山帶海賢人君子之所愿留芳型焉故志古蹟文
詞者言之至精者也苟闕風教悉載簡編故志藝文理
不相蒙義不相附而搜其遺漏足錯舉以盡變故以雜
志終之若此者體斯備矣其取類也廣其核實也嚴其
於甯謹毋濫甯質毋華之旨未之有悖也昔沈休文自
負史才而評者謂其條流靡舉采擇未周況以予之寡
昧奚能爲役乎願諸所編次積有歲時耳目心手更迭
爲用幸得成帙以報命於賢使君則亦竊附於識大識
小之義備他日輶軒之採云爾

docsriver 文川网
入驻商家 古籍书城

在文川网搜索古籍书城 获取更多电子书

通州直隸州志

凡例

一州乘肇祖有明先後凡九修其初第紀一州掌故而
已康熙甲寅志始以海門來附乾隆甲戌志併隸泰如
兩屬邑例準府志編纂實繁高沙夏檢討王裁斯役纂
輯非出一手舛誤尤複未為完書道光時郡中銳意興
修將成忽敗止存副藁七冊今詳加蒐討條分件繫徵
信闕疑成功緩而立體較嚴云

一前志類目紛繁今分十三志曰疆域曰山川曰建置
曰民賦曰學校曰儀典曰軍政曰秩官曰選舉曰人物
曰列女曰藝文圖冠首雜紀綴末凡為圖二十有九為

通州直隸州志

凡例

表二十有七為目五十有七附見者六綱繫以序目弁
以引發明本旨無假陳言

一圖為紀事之文例不與諸志屏列故冠首簡以別之
舊圖簡率鮮確古蹟圖尤牽合非倫今窮工增繪計里
開方毛密界畫按圖披索形勝瞭然

一疆域志增風氣一目班孟堅言剛柔緩急繫乎水土
其志地理必條論風俗其後義固有當也前志道里其
大率已具首卷圖說中餘並刪入都里坊表舊列古蹟
稱名殊乖近日儀徵江陰諸志皆入疆域今從之而綴
於市巷之末

一志山川必詳其脈落經界遠邇聯屬之處非徒侈觀

覽也五山發脈或謂自黃山蜿蜒而來或謂鍾山餘氣
臆說難憑概無取焉水則承淮之委環江帶海而申場
運鹽之支分派別利害攸繫前志志山名類多舛志水
尤泛濫不關窳要今以江海河為經港汊隔堰為緯尋
端竟委燦然迭呈亦禹貢紀水曰南至曰北過曰東流
曰又東之意并臚舉歷代治水成績俾留心政要者有
所考至郡邑名勝夥顧涼亭燠館借山水生色從其類
也末仿福建通志雲南通志江南舊通志附以宅墓無
嫌不倫

一建置志增井泉橋梁而以驛鋪入軍政堂院更曰義
局義塚即附焉其

通州直隸州志

凡例

文廟建置入學校規制壇廟建置入儀典秩祀仍舊例也

一民賦科則條款恪遵道光九年賦役全書及布政司
頒發新冊準以今額而前之變遷增損亦備著於篇蘆
洲漲坍升豁隱係民瘼尤不容略釐法時有變更錄其
有關於場竈者中增蠲卹一目廣斥之區遭逢

聖代淪浹靡既故樂詳焉物產為民生所資亦貢賦所出禹
貢厥貢厥篚職方氏其利其穀其畜即志物產之祖黃
唐堂謂食貨之於戶口土產詳而勿略合而勿離立論
最確

一學校為一郡風化所先別立一類所見誠大其從祀
賢儒姓名位次及丁祭儀節樂舞祭品祭器之數以暨

諸典禮之麗於廟與學者連篇累牘率郡縣通用之證然敬謹標識藉資觀化故仍其舊而考訂加詳焉試院書院小學社學義學皆與學校相表裏者也例得附書一前志禮儀即甲寅經制志之公儀也寥寥數帙皆公家言提綱標目簡陋特甚今更爲儀典志合以秩祀并增敦俗引年二目且令比戶禮教之風

昭代憲乞之典光我簡端

一秩官志舊列統轄一目挂漏舛譌不一而足官制分繫各表攷古亦未詳確今以歷代官秩沿革異同統列於前曰官制爲文職表六武職表二官蹟即列傳於後而統轄官之有功德茲土者表無可列傳宜附登甲寅

通州直隸州志

凡例

三

志及明嘉靖丁丑志並立外傳以風有位前志刪之今綜其大略散見表中庶幾法戒勸懲於茲不廢

一通自前明中業建設巨鎮存留裁汰今昔不同近復思患豫防講求船政故軍政志區陸營水師爲二而隸於有司者以鄉兵別之歷來防倭禦寇之事臚列其後蓋安不忘危而斯邦江清海晏投戈息烽之象亦於此見云

一選舉志文選表五武選表四封廕表四州及屬邑各爲一表與秩官表同表中系屬可考者標明某子某孫某從子某父某弟對山舊例也雜流出身本與應例不同今悉從甲寅志檢覈分載

一前志人物首列名賢名賢之稱副實匪易傳中當之無愧者安定先生一人而已今從甲寅志曰名臣亦更寓賢爲僑寓蓋紀實也舊傳文義參差玉石錯出時代先後往往失次今更加纂輯文其鄙俚去其繁猥離合呼應統歸一致舊所傳者不敢漏遺一人以蹈蕩古之愆今所增續亦不敢曲徇好惡取悅一時之耳目區區苦心當其諒之

一列女志古無繫以表者嘉慶鹽法志始創爲之郡人楊廷撰咫聞錄即用其例今立年例表書其姓氏年歲而事蹟較著者分傳於後志名列女昉於劉向不得專指節烈今分節孝貞孝義烈而以才淑附傳人物從嚴

通州直隸州志

凡例

四

傳列女從寬潛德幽光闢發不易非故濫也紀載之體男子書字女子書氏然姁同名獨略仿史例婦繫夫名女繫父名較便省覽

一藝文志不列疏議記序詩賦諸作前明各志例本如是今仍分隸各類或以事從或以人從或以地從無所附麗者軼可也目分經史子集標舉書名間錄序跋以爲徵文嗜古之一助

一卷末綴以雜紀十二志之無可屬者屬之矧夫災祥異語涉讖緯方伎近瑣二氏近誣雜綴簡尾聊示外之意而摭遺蒐軼有正志所不登者亦並入焉
一前志謬誤百出更僕難數攷證之誤什六鈔胥之誤